

scriver per la Litteratura 38

## «Wie wärs mit etwas Meer?»

### il mar - la mar

Cun quest titel da lavur As vulain nus intimar da scriver per la Litteratura 38. Quest onn è la Litteratura pia deditgada a la mar. U al mar - tut tenor idiom.

Mar sco lieu da projecziun ...

per la profunditad e la vastezza, per spazi e temp, per il blau ed il bletsch, per il patgific e per il turbulent, per l'encreschadetgna, la brama, per il lontan, aventura ed exotica, disorientaziun, privel, la mar cun las istorgias e figuras mitologicas, la mar sco origin dal mund ...

Ma era la mar concreta?

Sco sistem ecologic, sco element da vita e mort, «la mar» sco lieu da vacanzas e da fugia, la mar auta, la mar bassa, il lieu d'existenza per turistichers e pestgadurs, per peschs e conchiglias, il lieu da naschientscha da noss fischstäblis ...

E la finala la mar sco destinaziun da noss flums e dutgs ed aualins che culan giu da las muntognas ... Gea, co statti cun la relaziun da (nus) muntagnards e la mar? Flurin Spescha, dal qual deriva il titel cità sura, aveva ina giada remartgà ch'il rumantsch saja l'unica lingua neolatina che na cunfinia betg a la mar.

Pia: Tge relaziuns has Ti cun la mar?

Nus ans legrain sin Voss texts (prosa u poesia, essais, dramas u raquints fantastics) ed als spetgain enfin ils 16 da zercladur 2019; als tramettai a Benedetto Vigne ([bevi@sunrise.ch](mailto:bevi@sunrise.ch)), a Flavia Hobi ([flavia.hobi@bluewin.ch](mailto:flavia.hobi@bluewin.ch)) u a Silvana Derungs ([silvana.derungs@gmx.ch](mailto:silvana.derungs@gmx.ch)).

cordials salids e buna inspiraziun  
Benedetto, Flavia e Silvana

PS. Bainvesids en la Litteratura èn sco adina er Voss texts litterars «libers», ordaifer il tema principal.